

**Talamdan sa
mga Mensahe alang sa Full-time Training
sa Spring Term sa 2023**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI
PABLO**

Mensahe 16

**Ang Lalom nga Hunahuna kalabot sa Lawas ni Cristo sa Basahon sa Roma—
Ang Praktikal nga Pagkinabuhi sa Lawas ni Cristo diha sa Mga Iglesia Lokal nga maoy Paaagi nga
Madala nganha sa Realidad sa Lawas ni Cristo nga Tumong**

Basahong Kasulatan: Rom. 8:3; 1:3-4; 8:4-6, 9-11, 14-16, 26-27; 12:2, 4-5, 11; 16:1-16, 21-24, 20

- I. **Ang habog nga punto sa diosnong pinadayag mao nga nahimong tawo ang Dios aron mahimong Dios ang tawo sa kinabuhi ug kinaiya apan dili sa ranggo sa pagka-Dios aron mapalugwa ang organicong Lawas ni Cristo para matuman ang pamatigayon sa Dios nga magtapos ning panahona ug magpabalik ni Cristo aron mag-establisar sa Iyang gingharian—Juan 1:12-14; 3:15; 2 Ped. 1:4; Efe. 1:22-23; 4:16; Bug. 11:15.**
- II. **Makita nato sa Roma ang habog nga punto sa diosnong pinadayag: nahimong tawo ang Dios (8:3) aron mahimong Dios ang tawo sa kinabuhi ug kinaiya apan dili sa ranggo sa pagka-Dios (1:3-4; 8:2, 10, 6, 11, 19, 21; 9:5; 10:12; Buh. 10:36; Rom. 14:7-9) aron mapalugwa ug makalihok ang Lawas ni Cristo (12:4-5) nga organismo sa Tulo-usang Dios.**
- III. **Ang lalom nga hunahuna sa Roma mao nga nahimong tawo ang Dios aron nga, sa kompletong kaluwasan sa Dios, matubos, maanak pag-usab, mabalaan, mabag-o, matransporma, masama sa dagway, ug mahimaya ang mga makasasala aron mahimong mga anak sa Dios, nga sama sa Dios sa kinabuhi ug kinaiya, aron mahimong mga bahin sa Lawas ni Cristo—1:3-4; 3:24; 5:10; 8:14, 29-30; 12:2, 4-5:**
 - A. Gipadala sa Dios ang Iyang Anak sa pagkasama sa unod sa sala ug gihukman ang sala diha sa unod aron ang mga makasasala—nga serpentinehanong mga tawo, mga anak sa yawa—mapasiguli ngadto sa Dios ug mamatarong Niya aron makadawat sa walay kataposang kinabuhi ug sa ingon niana mahimong mga anak sa Dios—8:3, 16.
 - B. Si Jesucristo nga atong Ginoo, nga gikan sa kaliwat ni David sumala sa unod, gipaila nga Anak sa Dios sumala sa Espiritu sa pagkabalaan gikan sa pagkabanhaw sa mga minatay—1:3-4.
 - C. Ang panganayng Anak sa Dios, ang unang Dios-tawo, maoy sumbanan sa pagpasanay sa daghang Dios-tawo, nga, isip mga bahin sa Lawas ni Cristo, sama gyod sa panganayng Anak—8:14, 28-29.
 - D. Ang kabubut-on sa Dios pagpakabaton mag Lawas alang ni Cristo nga makahupnganan Niya, pagpadayag Niya—Bug. 4:11; Efe. 1:5, 9; Rom. 12:2, 4-5.
 - E. Ang Espiritung taghatag-og-kinabuhi maoy elementong nagpagitib sa Lawas ni Cristo nga bagong kabuhatan sa Dios—1 Cor. 15:45b; 2 Cor. 5:17; Rom. 8:9-11; 12:4-5.
 - F. Ang nasagol nga espiritu maoy bugtong-talagsaong galamhan nga mapalugwa ug matukod sa Dios ang Lawas ni Cristo—1:9; 7:6; 8:4-6, 14, 16; 12:4-5.
- IV. **Ang kinahabogang punto sa pamatigayon sa Dios mao ang realidad sa Lawas ni Cristo; sa aktwal ug praktikal, ang Lawas ni Cristo mao ang nasagol nga espiritu; ang paggawi uyon ning espirituha maoy sentro ug mahinungdanong punto sa Bag-ong Tugon—Gal. 5:16; Rom. 8:4:**
 - A. Si Cristo mao ang malangkobon-sa-tanan nga Espiritung taghatag-og-kinabuhi nga nasagol sa atong espiritu; diha sa nasagol nga espiritu nagkinabuhi ta ni Cristo, ug kita ang Lawas ni Cristo—8:9-11.
 - B. Ang Lawas-Cristo, ang hiniusang Cristo, hinimo sa Ulo ug sa Lawas ug sa daghang bahin niini; kining hiniusang Cristo mao ang nasagol nga espiritu—1 Cor. 12:12; 6:17.

- C. Nagkinabuhi, nagbuhat, ug naglihok ngani ta diha sa nasagol nga espiritu, nagkinabuhi, nagbuhat, ug naglihok ta diha sa Lawas ni Cristo—Rom. 8:4; 12:4-5.
- D. Kanang maanaa ang atong pagkatawo sa nasagol nga espiritu pagka-Lawas man ni Cristo sa aktwal ug praktikal gyod—1 Cor. 6:17; 12:12-13, 27; Rom. 8:4; 12:4-5; Efe. 1:17; 2:22; 3:5, 16; 4:23; 5:18; 6:18.
- E. Hingpit gyong organico ang Lawas ni Cristo (Rom. 8:2, 6, 10-11; 12:4-5); naghigot ang Roma 12 sa kagamitan sa Lawas kay naghigot man kini sa Lawas basi sa organicon pagkausa nato ni Cristo; kon dili nato makita ang organicon pagkausa nato ni Cristo, dili ta makasabot kon unsa ang Lawas ni Cristo.
- F. Aron maanaa sa realidad sa Lawas ni Cristo, hingpit gyod natong sination ang organicon pagkausa diha ni Cristo, nga hingpit nga nakaamgo nga organico tang nausa ni Cristo sa kinabuhi; sa magpabilin ta sa organicon pagkausa, nagpabilin ni Cristo isip mga sanga sa punoan sa paras, sa pagkatinuod nagkinabuhi ta diha sa Lawas ni Cristo—Juan 15:1, 4-5.
- G. Ang Lawas ni Cristo organismo nga hinimo sa grupo sa mga tawo nga nagkinabuhi ug naggawi uyon sa nasagol nga espiritu; mga tawo sila nga naa sa nasagol nga espiritu nga nagkinabuhi ni Cristo:
 1. Moalagad gyod ta sa Dios diha sa gipanganak pag-usab nga espiritu pinaagi sa Espiritung taghatag-og-kinabuhi, dili diha sa kalag pinaagi sa gahom ug kahimoan sa kalag—Rom. 1:9.
 2. Nag-agad sa nasagol nga espiritu ang realidad sa tanang espirituhanong butang—2:28-29.
 3. Ang organicon kaluwasan sa Dios gituman ni Cristo nga Espiritung taghatag-og-kinabuhi diha sa atong espiritu—5:10; 8:10, 16.
 4. Aron makahari diha sa kinabuhi, maanaa gyod ta sa nasagol nga espiritu—5:17, 21.
 5. Ang gipanganak pag-usab nga espiritu nato maoy tinubdan sa kabag-o; tanang may kalabotan sa nasagol nga espiritu o naggikan ba niini bag-o gyod—7:6.
 6. Nisaksi ang Espiritu uban sa atong espiritu nga mga bata ta sa Dios—8:16.
 7. Ang gipanganak pag-usab nga espiritu nato kinabuhi mismo—v. 10.
 8. Maggawi gyod ta uyon sa nasagol nga espiritu—v. 4.
 9. Kinahanglan nga uyon gyod sa nasagol nga espiritu ang atong pagkatawo—v. 5.
 10. Ang salabotang gipatumong sa nasagol nga espiritu kinabuhi man—v. 6.
 11. Espiritu sa pagkaanak ang nasagol nga espiritu—v. 15.
 12. Kon gigiyahan ta sa Espiritu diha sa atong espiritu, mga anak ta sa Dios sa realidad—v. 14.
 13. Mag-ampo gyod ta diha sa nasagol nga espiritu—vv. 26-27.
 14. Nagkinabuhi ta sa sinumpay nga kinabuhi diha sa nasagol nga espiritu, wala na magkinabuhi sa atong kaugalingon kondili gipakinabuhi ang pneumaticong Cristo sa sulod nato—6:5; 11:17; Gal. 2:20.
 15. Magdilaab gyod ta diha sa espiritu nga ang Dios maoy diosnong kalayo—Rom. 12:11; Heb. 12:29.
 16. Diha sa nasagol nga espiritu nagkinabuhi ta sa kinabuhing dunay kinahabogang maayong kagawian alang sa Lawas ni Cristo—Rom. 12:9-21.

V. Ang pahiuili sa Ginoo alang man sa pagtukod sa Lawas ni Cristo; busa, ang pagkaila sa Lawas maoy hustong pagpahiuili sa Ginoo—1 Cor. 12:27; Efe. 4:16; Col. 3:15:

- A. Gihimo sa iglesia ang Lawas ni Cristo nga organicon elemento niini; kon walay Lawas ni Cristo, walay kinabuhi ang iglesia ug organisasyon lang sa tawo—1 Cor. 1:2; 12:12-13, 27.
- B. Ang Lawas maoy tiunayng kahulogan sa iglesia; kon walay Lawas, balewala ug walay kahulogan ang iglesia—Rom. 12:4-5; 16:1, 4, 16.
- C. Dinaliang gikinahanglan sa Ginoo ang realidad sa Lawas ni Cristo nga mapadayag diha sa mga iglesia lokal; kon walay lig-ong pagpadayag sa Lawas, dili mobalik si Ginoong Jesus—Efe. 1:22-23; 4:16; 5:27, 30; Bug. 19:7.
- D. Gikinahanglan sa Ginoo ang mga mananaog nga motuman sa pamatigayon sa Dios aron mabatonan ang Lawas ni Cristo ug malaglag ang Iyang kaaway; kon walay mga mananaog dili matukod ang Lawas ni Cristo, ug kon dili matukod ang Lawas ni Cristo, dili makabalik si Cristo alang sa Iyang pangasaw-onon—Efe. 1:10; 3:10; Bug. 12:11; 19:7-9.
- E. Ang pahiuili sa Ginoo pagtukod man sa Sion—ang mga mananaog isip Sion mao ang realidad sa Lawas ni Cristo ug maghingpit sa pagtukod sa Lawas ni Cristo diha sa mga iglesia lokal aron mapadangat ang nahingpit nga balaang syudad, ang Bag-ong Jerusalem; diha sa iglesihanong

kinabuhi maningkamot gyod ta nga modangat sa Sion karon—Sal. 48:2; Bug. 2:7, 11, 17, 26-28; 3:5, 12, 20-21; 14:1; 21:1-3, 16, 22.

- VI. Gisakot pag-usa sa Dios ang Lawas (1 Cor. 12:24); ang pulong *gisakot* nagpasabot og “gipa-hiangay,” “gibagay,” “gipahaom,” ug “gisagol,” nga nagpasabot og pagkawala sa mga kalainan:**
- A. Aron masakot ta alang sa realidad sa Lawas ni Cristo, moagi gyod ta sa krus ug ma-pinaagi sa Espiritu nga magpaambit og Cristo sa uban aron matukod ang Lawas ni Cristo.
 - B. Nagpasabot ang panagsakot nga kanunay gyod tang mohunong aron makig-ambitay sa uban; dili gyod ta mobuhat og bisan unsa nga dili makig-ambitay sa ubang balaan nga nakigtam-bayayongay nato, kay magpahianay, magbagay, magpahaom, ug magsagol man nato ang pakig-ambitay.
 - C. Sige tingaling magtigom ang grupo sa mga igsoong nangako nga wala gyod masakot; nagpa-sabot ang panagsakot nga natandog ta sa uban ug nakatandog ta nila sa pag-agi nato sa krus, pagbuhat sa mga butang pinaagi sa Espiritu, ug pagbuhat sa tanan aron magpaambit og Cristo tungod ug alang sa Iyang Lawas.
 - D. Ang tuyo sa panagsakot paghatod man kanatong tanan nganha sa realidad sa Lawas ni Cristo; ang panagsakot aron man matukod ang unibersoohanong Lawas ni Cristo (Efe. 1:23) aron mahingpit ang Bag-ong Jerusalem (Bug. 21:2) nga kataposang tumong sa pamatigayon sa Dios sumala sa gikahimut-an Niya (Efe. 3:8-10; 1:9-10).
- VII. Mosunod gyod ta sa mga lakang sa mga apostol sa pagdala sa tanang balaan nganha sa kina-buhing nakigsakot sa tibuok Lawas ni Cristo; gidala ta sa mga apostol nganha sa kinabuhing nakigsakot sa tibuok Lawas ni Cristo pinaagi sa mga pagrekomendar ug pagpangumosta aron madugmok sa Dios sa kalinaw si Satanas ilalom sa atong mga tiil ug makapahimulos ta sa datong grasya ni Cristo—Rom. 16:1-16, 21-24, 20:**
- A. Kinahanglang naa ta sa mga iglesia lokal nga paagi aron madala ta nganha sa realidad sa Lawas ni Cristo nga tumong; ang kinahabogang punto sa pahiuili sa Ginoo nga tinuod, praktikal, ug aktwal gyong makatuman sa pamatigayon sa Dios dili man pisikal nga pagpalugwa sa Dios og daghang iglesia lokal kondili sa organicong Lawas nga mahimong organismo Niya.
 - B. Ang hunahuna ni Pablo kalabot sa iglesia nga usa ka tinapay (1 Cor. 10:17) dili kaugalingong imbento niya; naggikan hinuon kini sa Daang Tugon sa halad nga kalan-on (Lev. 2:4); gisagolag lana ang tanang bahin sa pinong harina sa halad nga kalan-on—kini ang panagsakot.
 - C. Halos walay naghisingot sa panagsakot kay dili lang habog ug lalom kaayo kini kondili misteryoso sab kaayo; dili kini pisikal nga butang; ang kahulogan sa panagsakot nato mao ang realidad sa Lawas ni Cristo:
 1. Ang realidad sa Lawas ni Cristo mao ang hiniusang pagkinabuhi sa nahingpit nga mga Dios-tawo, nga tinuod gyong mga tawo apan wala magkinabuhi sa ilang kinabuhi kondili sa kina-buhi sa nahikay nga Dios, kansang mga kaayo napadayag sa maayong kagawian nila—Fil. 4:4-9.
 2. Ang realidad sa Lawas ni Cristo mao ang panagsagol nga pagkinabuhi diha sa walay katapo-sang pagkausa sa gipanganak pag-usab, gitransporma, ug gihimayang mga Dios-tawo nga may tulo ka bahin ug sa Tulo-usang Dios sa pagkabanhaw ni Cristo; gigamit nato ang pulong *panagsagol* kay nagpadayon pa man kining pagkinabuhia.
 3. Kining hiniusa ug panagsagol nga pagkinabuhi sa nahingpit nga mga Dios-tawo (Rom. 8:4, 16; 1 Cor. 6:17; Gal. 5:25) sa kataposan mahingpit sa Bag-ong Jerusalem sa bag-ong langit ug bag-ong yuta isip pagtubo ug pagpadayag sa Dios sa eternidad.
 4. Ang tinguha sa Dios nga masagol ang pagkadios ug pagkatawo, mausa ang pagkatawo sa pagkadios (Lev. 2:4-5; Mat. 1:18b, 20b; Juan 14:21, 23; 17:21-23; Efe. 4:4-6; Bug. 21:12; 22:2) angay gyod sa pagdayeg ug pagsimba nato! Pagkabulahan ug pagkamahimayaon gyod nga makaambit ta niini! Angay gyod kini sa walay hunong nga pag-awit ug pagdayeg nato sa eternidad!